



Laga Chapi bin aden

Sorayda Sint Jacobs

Koro: Kabritu a kontribuí na ritm'i seú
E bestia su kueru ta ronka rib'e barí

Nan ta kome su karni,
bebe su lechi
Antó su kueru
Pa nos wapa

Kom'é
Beb'é
Nan ta ronk'é

Koro: Baka a kontribuí na ritm'i seú
E alimá su kachu ta zona ku e barí

Nan ta kome su karni,
bebe su lechi
Antó su kachu
Pa nos koncha

Kom'é
Beb'é
Nan ta supl'é

Koro: Ronk'e kueru pa nos wapa
Supl'e kachu pa nos koncha

Ta ora chapi bin aden
Awèl laga chapi bin aden

Seú ta hala sera
Koro: Laga chapi bin aden

Laga chapi spat kandela
Zone heru rib'e chapi ei
Ta basta ratu e ta pidi un punta (para warda)
Sut'e kueru p'e chapi drenta
Supl'e kachu lag'e pasa

Chapi a koba, chapi a limpia, chapi a raspa tera



Laga chapi zona 'wo

Laga chapi zona pa mi
Ora trahadó mesté di forsa
Pa kantadó por yabalú
Pa sera ritmo den kunuku (dal e ritm'i kunuku sera)
Skucha e zonido di bon kosecha (den fiesta di kosecha)
E ta pone bo kurpa bisti
Ta pone bo kueru hinka
Lag'e kueru'i chubatu ronka
Lag'e kachu di toro zona
Ta yama nan ta yama chapi

laga chapi zona pa mi

Koro: Ronk'e kueru, supl'e kachu, zon'e chapi, ban yama danki 2X

Dios di shelu -
P'e kosecha
p'e awaseru
pa abundansia
Dios eterno
ku Bo a manda
bendishon
pa nos pueblo.

Koro: Danki

**Koro: Ronk'e kueru pa nos wapa
Supl'e kachu pa nos koncha**